

Ambiga: Protes jalanan mungkin hanya pilihan desak reformasi pilihan raya
Malaysian Insider
June 14, 2013
Oleh Syed Jaymal Zahiid

KUALA LUMPUR, 14 Jun – Kumpulan reformasi pilihan raya Bersih 2.0 telah mengakui protes jalanan mungkin hanya cara yang tinggal untuk memperjuangkan reformasi pilihan raya sekiranya kempen mereka untuk membersihkan sistem pilihan raya melalui saluran undang-undang menemui kegagalan.

Pengerusi bersama Datuk Ambiga Sreenevasan (gambar) mengatakan bagaimanapun, kumpulan itu akan menggunakan "Tribunal Rakyat" sebagai platform untuk "meneliti" tuduhan penipuan yang berlaku dalam Pilihan Raya 2013 dimana hasil penemuannya akan menjadi asas sokongan kepada kerja reformasi pilihan raya mereka.

"Kita akan jalankan tribunal terlebih dahulu," katanya kepada The Malaysian Insider. "Bergantung kepada hasilnya, kita akan desak reformasi yang relevan. Jika itu gagal, mungkin protes adalah pilihan yang tinggal."

Ambiga sebelum ini mengatakan "tribunal rakyat" akan bertindak sebagai "kuasa moral" untuk menyiasat secara terbuka pendedahan penipuan didakwa dalam pilihan raya umum 5 Mei.

Tribunal ini dan penemuannya juga akan menyokong desakan peletakan jawatan barisan anggota Suruhanjaya Pilihan Raya (SPR) selepas dituduh berat sebelah. Bersih dan pemimpin Pakatan Rakyat (PR) telah menjadikan ini sebagai syarat utama untuk perbincangan bilateral mengenai reformasi pilihan raya.

Akan tetapi pentadbiran Najib menegaskan SPR adalah bebas dan ini dilihat sebagai tidak bersetuju dengan syarat diberikan.

Pengerusi SPR Tan Sri Abdul Aziz Mohd Yusof telah mengatakan, suruhanjaya itu tidak akan tunduk kepada desakan tersebut.

Kebuntuan itu juga boleh memaksa Bersih dan pembangkang untuk menggunakan demonstrasi jalanan sebagai jalan akhir.

"Perlawanan kami untuk reformasi pilihan raya akan berterusan. Tribunal Rakyat kami akan diteruskan," kata Ambiga.

Bersih telah mengadakan tiga protes besar-besaran. Tindakan keras terhadap demonstrasi, terutamanya terhadap perhimpunan ketiga, mengundang kutukan dalam dan luar negara kepada pentadbiran Najib yang kemudiannya menubuhkan jawatankuasa Parlimen untuk melihat tentang reformasi pilihan raya.

Walaupun langkah itu memberikan harapan untuk dialog konstruktif mengenai reformasi pilihan raya, kegagalan Putrajaya untuk melaksanakan sebahagian besar cadangan dibuat oleh jawatankuasa itu menyebabkan Bersih dan pembangkang memperbaharui perlawanan untuk membersihkan sistem pilihan raya.

Kempen itu semakin intensif selepas SPR dituduh melakukan penipuan pada pilihan raya 5 Mei untuk memastikan kemenangan gabungan Barisan Nasional (BN).

Menurut Ambiga, SPR telah gagal untuk mempertahankan diri mereka dan menerangkan mengenai penyelewengan besar-besaran didedahkan dalam perlawanan sengit Pilihan Raya 2013 termasuk kegagalan mentadbir sistem dakwat kekal untuk menghalang pengundian berulang dan tiada tindakan terhadap integriti tercemar daftar pemilih.

"Setakat yang saya tahu SPR tidak menikmati keyakinan orang ramai. Mereka telah gagal untuk bertindak secara bebas dan gagal dalam melaksanakan proses dakwat kekal secara berkesan.

"Kepentingan proses itu tidak boleh dipandang rendah. Ia adalah cadangan PSC dan diperkenalkan untuk mengelakkan pengundian berulang," katanya.

Pembangkang telah memfailkan lebih 30 petisyen untuk mencabar sesetengah daripada keputusan pilihan raya. Mereka juga memfailkan saman sivil dalam percubaan untuk menyingkirkan barisan kepimpinan SPR dan mengelakkan mereka daripada melakukan persempadanan kawasan pilihan raya akhir tahun ini.

Kawasan pilihan raya tidak seimbang dan persempadanan semula berat sebelah dilihat sebagai faktor menyebabkan dominasi BN dan gabungan pemerintah itu turut dilihat sentiasa mendapat keuntungan setiap kali aktiviti itu dijalankan, kata ahli akademik.

"SPR tidak seharusnya dibenarkan untuk melakukan aktiviti persempadanan semula.

"Mereka mencadangkan untuk dilakukan terhadap daftar pemilih sedia ada yang perlu dibersihkan secara serius. Mereka telah setakat ini menunjukkan tiada kecenderungan untuk melakukan itu," kata Ambiga.

Hakcipta © 2013 The Malaysian Insider

Source:

<http://www.themalaysianinsider.com/bahasa/article/ambiga-protas-jalanan-mungkin-hanya-pilihan-desak-reformasi-pilihan-raya/>